

2025 йил 26-декабр

“Максам-Чирчиқ” АЖда “Раҳбар ва ёшлар учрашуви” бўлиб ўтди



Ёшларни қўллаб-қувватлаш — бу шунчаки дастур ёки шиор эмас, балки келажакка қилинган аниқ сармоядир. Ёш инсонга ишонч билдириш, унинг ташаббусини қўллаб-қувватлаш ва ўз салоҳиятини рўёбга чиқариши учун шароит яратиш орқали жамият барқарор ва соғлом ривожланади. Ҳар бир ёшнинг билими, меҳнати ва масъулияти қадрланган муҳитда улар ўз ўрнини топади, юрти тақдирига дахлдор эканини ҳис қилади ва шу ҳис-туйғу билан ҳалол, фидокор ва ташаббускор бўлиб камол топади.



“Ўзкимёсаноат” АЖ томонидан ёш мутахассислар билан очик мулоқотни таъминлашга қаратилган “Раҳбар ва ёшлар учрашуви” лойиҳаси ҳам ана шу мақсадда мунтазам ташкил этиб келинмоқда.

“Ўзкимёсаноат” АЖ раисининг биринчи ўринбосари Евгений Коржиков иштирокида ўтказилган навбатдаги мулоқот “Максам-Чирчиқ” АЖ ёшлари билан бўлиб ўтди. Учрашувда “Максам-Чирчиқ” АЖ бошқаруви раиси Дилшод Маннонов, “Ўзкимёсаноат” АЖ бошқаруви аъзолари ва 120 нафар корхона ёшлари иштирок этишди.



Маълумот учун, ҳозирда корхонада 5 500га яқин ишчи-ҳодимлар фаолият юритаётган бўлиб, улардан 925 нафарини ёшлар ташкил этади. Жамият ёшларининг 79 нафари раҳбар ва муҳандис-техник лавозимларида фаолият олиб бормоқда.





Шу билан бирга соҳада сунъий интеллектдан фойдаланиш имкониятларини кенгайтириш, ёш мутахассисларни қўллаб-қувватлаш, уларнинг салоҳиятини янада оширишга қаратилган танловларни йўлга қўйиш, ёшларнинг малакасини оширишга қаратилган ўқув курсларини ташкил этиш бўйича таклифлар илгари сурилди.



Тадбир ниҳоясида ҳар томонлама фаол бўлган ёш ходимлар ташаббускорлиги юқори баҳоланиб, ташаккурнома ва эсдалик совғалари билан тақдирланди.





source:

"Ўзкимёсаноат" акциядорлик жамияти

[https://new.uzkimyosanoat.uz/uz/press/news/maksam-chirchiq-azhda-rahbar-va-yoshlar-uchrashuvi-b](https://new.uzkimyosanoat.uz/uz/press/news/maksam-chirchiq-azhda-rahbar-va-yoshlar-uchrashuvi-b<ulib-utd)